

INFORMACIJA O DOSTUPNIM POTICAJIMA I OLAKŠICAMA ZA POSLOVNE SUBJEKTE

I. OPĆINSKI POTICAJI – SUBVENCije - OLAKŠICE

a) Program poticaja MSP u Općini Jablanica u 2016.g.

Cilj Programa je da se putem poticanja: startup i mladih preduzeća, zapošljavanja MSP kroz projektne aktivnosti industrijske proizvodnje, obrta, trgovine, turizma i ugostiteljstva, omogući zapošljavanje i samozapošljavanje lica prijavljenih na evidenciju nezaposlenih Biroa rada Jablanica, a radi ostvarivanja i održavanja veće stope zaposlenosti.

Financijska sredstva za realizaciju Programa osigurava Općina Jablanica, i ista su predviđena Budžetom Općine Jablanica za 2016. godinu u iznosu od 100.000,00 KM i to za:

1. Poticanje startup i mladih preduzeća
 - a) startup 5.000,00 KM
 - b) mlada preduzeća 5.000,00 KM
2. Poticanje industrijske proizvodnje (prerada i obrada kamena i sl.) 50.000,00 KM
3. Poticanje obrta, 30.000,00 KM
4. Poticanje trgovine, turizma i ugostiteljstva, 10.000,00 KM

Korisnici bespovratnih sredstava (poticaja) su:

- Privrednici općine Jablanica (pravna i fizička lica) koji iskažu potrebu da će zaposliti osobe iz ciljne skupine, koji od 1.1.2015.godine do dana podnošenja zahtjeva nisu imali umanjeње radnika (osim u slučaju elem.nepogode, odlaska u penziju, smrti radnika ,);
- Privrednici općine Jablanica čije povećanje broja radnika nije rezultat iskorištenog poticaja za zapošljavanje Općine Jablanica, Federalnog zavoda za zapošljavanje ili drugih subjekata viših nivoa vlasti;
- Nezaposlene osobe – prijavljene na evidenciju nezaposlenih Biroa rada Jablanica, najmanje tri mjeseca, prije dana donošenja ovog Programa, osim osoba koje su, ne svojom krivicom, ostali bez posla, te osoba koji se prvi put prijavljuju na Biro;
- Preduzeća, obrti i drugi oblici organizovanja i preduzeća starosti do dvije godine koja iskažu potrebu da će zaposliti osobe iz ciljne skupine.

Sredstva se dodjeljuju po prethodno utvrđenim kriterijima i po dostavljenim programima (biznis planovima), u iznosima od 4.000,00 KM odnosno 5.000,00 KM po jednom novozaposlenom što zavisi od vrijednosti investicije.

Za vrijednost investicije do 100.000,00 KM dodjeljuju se sredstva po jednom zaposlenom u iznosu od 4.000,00 KM a za investicije preko 100.000,00 KM sredstva u iznosu od 5.000,00 KM.

Investicije privrednih subjekata do 100.000,00 KM mogu biti podržane subvencijom za maksimalno 3 radnika.

Investicije privrednih subjekata preko 100.000,00 a do 200.000,00 KM mogu biti podržane subvencijom za maksimalno 5 radnika.

Poslovni planovi investitora kojima se predviđa upošljavaju 10 i više uposlenika i kod kojih je investicija veća od 200.000,00 KM bit će predmetom posebne obrade i ugovaranja, uz prethodnu saglasnost Općinskog vijeća.

Sredstva se dodjeljuju na osnovu Javnog poziva za učešće u Programu .

Javni poziv ostaje otvoren 15 dana a objavljuje se u sredstvima javnog informisanja, oglasnoj tabli općine i web stranici Općine Jablanica (www.jablanica.ba).

Prijave na javni poziv dostavljaju se na propisanom obrascu.

Po proteku roka za podnošenje zahtjeva, Radna grupa imenovana od strane Općinskog načelnika vrši bodovanje istih prema kriterijima koje, donosi Općinski načelnik, sačinjava listu aplikanata koji ispunjavaju uslove za ostvarivanje poticaja, te u saradnji sa Općinskim načelnikom utvrđuje broj lica za koje svaki od aplikanata može ostvariti pravo na poticaj.

Sa privrednikom i fizičkim licem kojem je odobren poticaj, Općinski načelnik zaključuje ugovor kojim će se definisati međusobna prava i obaveze.

Na osnovu ugovora o poticaju zapošljavanja lica iz ciljne grupe, Općina će provoditi kontrolu realizacije ugovornih obaveza.

b) Odluka o načinu korištenja Sredstava privatizacije i drugih namjenskih sredstava Općine Jablanica za kreditiranje

Ovom Odlukom određuje se način korištenja novčanih sredstava ostvarenih prodajom preduzeća iz nadležnosti Agencije za privatizaciju HNK (u daljem tekstu Sredstva privatizacije) i drugih namjenskih sredstva, te uslovi i način odobravanja i korištenja kredita koji će se dodjeljivati iz Sredstava privatizacije i drugih namjenskih sredstava Općine Jablanica za kreditiranje kao podrška srednjem i malom biznisu (u daljem tekstu Sredstva).

Sredstva se plasiraju putem poslovne banke odabrane u postupku javne nabavke .

Sredstva će se kontinuirano plasirati u zavisnosti od prispjeća sredstava na izdvojenom računu a putem javnog oglasa.

Kredit se može dati pravnim i fizičkim licima koja su registrovana za obavljanje djelatnosti te poljoprivrednicima upisanim u registar poljoprivrednih gazdinstava i registar klijenata.

Kredit će se dodjeljivati po sljedećim uslovima:

- Kamata se utvrđuje u iznosu EURIBOR-a + 2%, maksimalno 6%. Promjena EURIBOR-a je dva puta godišnje 01.05. i 01.11.
- Naknada za obradu kreditnog zahtjeva iznosi 1 % od iznosa kredita, minimalno 50,00 KM.
- Općinski načelnik i Banka se mogu usaglašavati oko subvencioniranja kamate za prvu godinu otplate kredita, o čemu će svoj stav dati Komisija za kredite.
- Rok otplate kredita od 1 do 5 godina sa grejs periodom do 1 godine zavisno od vrste posla kojom se bavi korisnik kredita, koji ulazi u rok otplate kredita.
- Rok otplate kredita u zavisnosti od iznosa kredita tako da:
 - Za iznos kredita do 5.000 KM rok vraćanja tri (3) godine,
 - Za iznos kredita od 5.001 KM -8.000,00 KM, rok vraćanja 4 (četiri) godine
 - Za iznos kredita 8.001 KM i više, rok vraćanja pet (pet) godina
- - Obezbjedenje za povrat kredita su: kreditno sposobni jamci, mjenica korisnika kredita, hipoteka na nekretnine u omjeru 1,5 do 3 u odnosu na iznos kredita, založno pravo na pokretne stvari u omjeru 1:3 evidentirano u Registru zaloga BIH ili kombinacija naprijed navedenih instrumenata obezbjeđenja.
- - Obezbjedenje kredita za iznos preko 15.000 KM je hipoteka.

Subvencioniranje kamata korisnicima kredita za kredite vršit će se na način da subvencija iznosi:

- U prvoj godini povrata 100 % od iznosa obaveza za plaćanje kamata po kreditu;
- U drugoj godini povrata 50 % od iznosa obaveza za plaćanje kamata po kreditu;
- U trećoj godini povrata 25 % od iznosa obaveza za plaćanje kamata po kreditu.

c) Odluka o komunalnim taksama na području općine Jablanica

Prema Odluci o komunalnim taksama na teritoriji općine Jablanica propisuju se i naplaćuju komunalne takse i to za:

1. svaku istaknutu firmu,
2. držanje žive muzike u ugostiteljskim objektima i objektima društvenog standarda,
3. držanje sredstava za igru (bilijar, flipper, automati za igru, karte za igru, video igre i aparate za posebne igre na sreću
4. objave oglasa istaknute na javnim mjestima
5. saopštenja, objave i oglase putem lokalnih radio i TV stanica i drugih sličnih sredstava informisanja,
6. korištenje prostora za parkiranje automobila i njihovih prikolica, motocikla i bicikla na mjestima koja za to odredi nadležni općinski organ.

Članom 5a. navedene Odluke pravna i fizička lica koja prvi put registruju djelatnost na području općine

Jablanica oslobađaju se od plaćanja komunalne takse i to za:

1. Prvu godinu poslovanja u 100% iznosu;
2. Drugu godinu poslovanja u 50% iznosu;
3. Treću godinu poslovanja u 25% iznosu.

II. FEDERALNO MINISTARSTVO RAZVOJA, PODUZETNIŠTVA I OBRTA

www.fmrpo.gov.ba

Javni pozivi se raspisuju godišnje i neki od Programa iz godišnjeg plana rada FEDERALNOG MINISTARSTVA RAZVOJA, PODUZETNIŠTVA I OBRTA ZA 2016. GODINU su:

- Kreditni poticaji razvoja, poduzetnišva i obrta
- Poticaji za unapređenje poduzetničke infrastrukture
- Poticaji inovatorima – pojedincima
- Poticaji za stipendiranje učenika koji se obrazuju za tradicionalne i stare obrte i deficitarna zanimanja
- Poticaji udruženjima, komorama i obrazovnim institucijama koje svojim projektima promoviraju i potiču razvoj poduzetništva i obrta u FBiH
- Poticaji za projekte koje financira EU i drugi strani donatori
- Poticaji tradicionalnim i starim obrtima
- Povećanje konkurentnosti MSP-a
- Poticanje razvojnih projekata
- Poticanje ciljnih skupina
- Poboljšanje poduzetničkog ambijenta

III. Federalni zavod za zapošljavanje

www.fzzz.ba

Godišnje objavljuje programe za podršku zapošljavanju i može ponuditi mogućnosti financiranja većih poslodavaca u programima prekvalifikacije (Program pripreme za rad kroz obuku, stručno osposobljavanje i usavršavanje 2016 – Obukom do zaposlenja; Program sufinansiranja zapošljavanja 2016; Subvencioniranje zapošljavanja mladih nezaposlenih osoba bez radnog iskustva ili subvencioniranje samozapošljavanja na osnovu Uredba o poticanju zapošljavanja...)